

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtrum sacerdos peccator possit conficere hoc sacramentum? 5

urn:nbn:de:hbz:466:1-38725

refertur
de conse.
d. 2. c. de
hac ex
Orig. ho.
7. super
Leuit.

Hieron. † super Leuit. De hac quidem hostia quæ in Christi commemoratione mirabiliter fit, edere licet: de illa verò, quam Christus in atra crucis obtulit, secundum se nulli edere licet. Nec propter hoc sacerdos transgressor efficitur: quia ea quæ miraculose sunt, legibus non subduntur. Consulendum tamen, eset sacerdoti, quod iterato corpus & sanguinem Domini consecraret & fumeret.

ARTIC. V.

Vtrum malus sacerdos Eucharistiam consecrare possit?

498

4. dis. 18.
q. 2. a. 2.
g. 2. ad 2
* sup. il-
lul Soph.
3. Sacer-
dotes pol-
luerunt
sanctum,
20. 6.
orth. fid.
c. 14. non
longè à
med.

AD quintum sic proceditur. Videtur, quod malus sacerdos eucharistiam consecrare non possit. Dicit enim Hieron. *super Soph. Sacerdotes, qui eucharistie seruiunt, & sanguinem Domini populis diuidunt impiè agunt in lege Christi, putantes eucharistiam precantis facere verba, non vitam, & necessariam esse solemnem orationem, & non sacerdotis merita, de quibus dicitur, Sacerdos in quacumque fuerit macula, non accedat offerre oblationes Domino. Sed sacerdos peccator cum sit miraculosus, nec vitâ habet nec merita huic conuenientia sacramento. Ergo sacerdos peccator non potest consecrare eucharistiā.

¶ 2 Præterea, Damas. *dicit in 4. lib. q̄ panis & vi-
nū per aduentum sancti Spiritus supernaturaliter trā-
fit in corpus & sanguinē Domini. Sed Gelasius Papa
dicit (sicut habetur in decr. 1. q. 1. sacrosancta,) Quo-
modo ad diuini mysterij consecrationem, cœlestis
spiritus inuocatus adueniet, si sacerdos, qui cum
adesse deprecatur, criminosis plenus actionibus cō-
probetur? Ergo per malum sacerdotem non potest
eucharistia consecrari.

¶ 3 Præterea, Hoc sacramentum sacerdotis benedictione consecratur. Sed benedictio sacerdotis peccatoris non est efficax ad consecrationē huius sacra-
menti: eum scriptum sit Malach. 2. Maledicam bene-
dictionibus vestris. Et Dion. *dicit in epist. ad Demo-
philum Monachum, Perfecte cœcidit a sacerdotali
ordi-

cir. med.

ordine, qui non est illuminatus: & audax quidem nimium mihi videtur talis, sacerdotalibus manum apponens: & audet immundas infamias (non enim dicam orationes) super diuina symbola Christiformiter enunciare.

S E D contra est, quod Aug.* dicit in lib. de corpore Domini, Intra Ecclesiam catholicam, in mysterio corporis & sanguinis Domini, nihil a bono maius, nihil à malo minus perficitur sacerdote: quia non in merito consecrantis, sed in verbo perficitur c. eatoris & virtute Spiritus sancti.

R E S P O N D E O dicendum, quod (sicut supra dictum est*) sacerdos consecrat hoc sacramentum non virtute propria, sed sicut minister Christi, in cuius persona consecrat hoc sacramentum. Non autem ex hoc ipso definit alius minister esse Christi, quod est malus: habet enim Dominus bonos & malos ministros seu seruos. Vnde Matth. 24 Dominus dicit, Quis putas est fidelis seruus & prudens, &c. & postea subdit, Si autem dixerit malus ille seruus in corde suo, &c. Et Apost. dicit 1. Cor. 4 Sic nos existimet homo, ut ministros Christi: & tamen postea subdit, Nihil mihi conscient sum: sed non in hoc iustificatus sum. Erat ergo certus se esse ministrum Christi: tamen non erat certus se esse iustum. Potest ergo aliquis esse minister Christi, etiam si iustus non sit. Et hoc ad excellentiam Christi pertinet: cui sicut vero Deo seruunt non solum bona, sed etiam mala, quæ per ipsius prouidentiam in eius gloriam ordinantur. Vnde manifestum est, quod sacerdotes etiam si non sint iusti, sed peccatores, possunt eucharistiā consecrare.

Ad primum ergo dicendum, quod Hier.* per illa verba improbat errorem sacerdotum, qui credebant se digni posse eucharistiam consecrare, ex hoc solo, quod sunt sacerdotes, etiam si sint peccatores. Quod improbat Hier. per hoc, quod maculosi ad altare accedere prohibentur. Non tamen remouetur, quin si accesserint, sit verum sacrificium quod offerunt.

refertur ē
q. 1. c. intra cathe-
licā, et de
conf. d. 2.
c. utrum
sub. ex l.
de cor de
m ni.
a. 1. q. 2.
huius q.

*loco cit. a.
in arg.*

Ad .

Ad secundum dicendum, quod ante illa verba
inprin.e. Gelasius Papa * præmittit, Sacrosancta religio, quæ
cit. i arg. catholicam continet disciplinam, tantam sibi reue-
 rentiam vendicat, ut ad eam quilibet (nisi pura con-
 scientia) non audeat peruenire. Ex quo manifeste
 appetet eius intentionem esse, quod peccator sacer-
 dos non debet ad hoc sacramentum accedere. Vnde
 per hoc quod subdit, Quomodo cœlestis spiritus in-
 uocatus adueniet? intelligi oportet, quod non aduen-
 it ex merito sacerdotis, sed ex virtute Christi, cuius
 verba profert sacerdos.

Ad tertium dicendum, quod sicut eadem actio, in
 quantum sit ex prava intentione ministri, potest esse
 mala; bona autem, in quantum sit ex bona intentio-
 ne Domini: ita benedictio sacerdotis peccatoris, in
 quantum ab ipso indigne sit, est maledictione digna,
 & quasi infamia siue blasphemia, & non oratio reputatur:
 in quantum autem profertur ex persona Christi, est sancta & efficax ad sanctificandum. Vnde si-
 gnatuer dicitur, Maledicam benedictionibus vestris.

ARTIC. VI.

*Vtrum missa mali sacerdotis minus valeat, quam
 missa sacerdotis boni?*

499
 4.d.13.q.
 1.a.1. q.5
 *refertur
 hoc in de-
 creto. 1.q.
 1.c. Mul-
 ti. ante
 med.

A D sextum sic proceditur. Videtur, quod missa
 sacerdotis mali non minus valeat, quam missa
 sacerdotis boni. Dicit enim Gregor. * in Registris
 Heu in quam magnum laqueum incident, qui diuina
 & occulta mysteria plus ab alijs sanctificata posse
 fieri credunt: cum unus idemque Spiritus sanctus ea
 mysteria occulte atque invisibiliter operando san-
 tificet. Sed haec occulta mysteria celebrantur in
 missa. Ergo missa mali sacerdotis non minus valet,
 quam missa boni.

¶ 2 Præterea, Sicut baptismus traditur à mini-
 stro in virtute Christi, qui baptizat, ita & hoc
 sacramentum in persona Christi consecratur. Sed
 non melior baptismus datur à meliori ministro:
 ut supra dictum est †. Ergo etiam neque melior mis-
 sa est,